



2.



Teol. 5094.

*Wojewodski Pauli joan: Laurus Seraphica
Divus Nonaventura.*

Biblioteka Jagiellońska



stdr0003032

LAVRVS
SERAPHICA;

DIVVS

BONAVENTVRA
DOCTOR SERAPHICVS,

Suæ Anniuersaria Solennitatis Die,

IN REGALI BASILICA SERAPHICI
PATRIS,

D. FRANCISCI

CRACOVIAE,



Publico Eloquio

CELEBRATVS.

M. PAVLO IOANNE WOIEWODZKI,
Philosophia Doctore & Professore.

Anno Plantatæ inter mortales Diuinitatis,

M. DC. LX IX. Pridie Iduum Iulij.

CRACOVIAE,
Apud STANISLAVM PIOTRKOWCZYK, S.R.M. Typogr.



59909
III

Quomodo lucem noctemque, omni-
bus hominibus, ita omnes terras, fortibus
Viris, natura aperuit.

C. Tacitus. Histor. Lib. IV.



Illustrissimo & Magnifico Domino,

**D. I O A N N I
B O N A V E N T V R Æ**

I N K R A S I N Æ,

K R A S I N S K I,

Referendario Regni Supremo, Varsauiensi,
Przasnicensi, Nouomestensi, Luci-
mensi, &c. &c.

C A P I T A N E O,

Colonello & Rothmagistro S. R. M.

Domino & Patrono Amplissimo.



AVRVS & CORVVS Apollini Sacer, **ILLVSTRIS-
SIME** AC **MAGNIFICE** DOMINE. *Tibi cum utroque ipsemet Apollo, ratus
capitale piaculum esse, si Tanto Nomini, Sacra non instauraret. Et diu est
cum CORVVS cæperit esse TVRS, adhuc in Quirinalibus, cum nascenti
Roma, nidificans montibus: in Alpinorum tandem, Pannoniorum,
Dalmatarum, & ultra Danubium latitantium populorum oras, prævia
fortitudine, inuolauit gloriose, cuius Summa præclorū facinorū capacitas, Spatio & il-
le, cum non essent capaces regiones, egregio nisu, super latiore Polonorum Campos Volitans,
bellatricibus Aquilis Sarmaticis, famā fortitudinis, Vniuersum Orbem præteruolantibus, su-
um adiunxit robur, fidemque tot Seculis intaminatam: grandi Regum Poloniae, Ducum
Masouia excolumento; dum eā altius ad sublimia quæuis audenda, & aggredienda pernicipibus
alis, ad volatum, curis publicis, pernecessarium, promptis ac expeditis, efferretur: quod am-
pliora suæ alacri magnanimitati, paterent inuitamenta. Secutus eum pharetratus Apollo,
in TVRS florentissima literis, fulgentissimis armis Domo, Parnassum adinuenit, tantò eminen-
torem Gorgoneo, quantò æquè fortissimis, ac eruditissimis CORVINIS præstantiorem,*

quem

quem ita commodum & accommodatum sibi expertus est; ut ne nostris quidem temporibus [quando multum literis, de pretio amoreque, apud multos decessit] cogitet ex illo descendere migraturus. Properat hac & **SERAPHICA LAVRVS GENTILITIO ALITI TVO**, non contra unum tantummodo Chamaleontem, bona alterius formæ aurâ viventem; sed contra quosvis venenatos, invidia flammis ardentium Scorpionum morsus, præsentissima ferens antidota. Non carpēt unquam de fabulosa palma, excrescentes in manu Delphicæ Deæ, mendaces aureos fructus, **HEROICA VOLVCRIS TVA** habitis Domi Suae Verè saluberrimis bacculis, de Cælesti solo allatis. Nestereos profectò, annosus **PRÆPES TVVS**, multiplicabit annos, longævæ insidens triumphali Arbori: cum illi præterea Sacrum Immortalis Numinis, de morte trophæum, immortalia Spondeat Sacula, eò certius, quò formius **GENTILITIO ANNULO TVO** æternum desponsata: ipsa demum **EQVESTRI SOLEA** à continuo Virtutum usu splendēte, iter ut ad publicos honores, in Republ: ita ad perennitatem in omnium memoria complanante. Perfēcta hæc Magno Nomini Tvo Victimæ est, quia trina: neque Sacrificuli de Flaminum plebe postremi, sed Tvo Signata **ANNULO**, ideoque integra, ab infestis Harpyiis intacta: eeu firmissimum **CORVINORVM** adorationis argumentum, quod evidentissimis, antiquis cultus, constat Pramissis, tum Romæ veluti à PRIORI, à **CORVINIS**, valentissimis gloriâ virtuteque Valerijs, tum ex Hungaria à Ioanne Huniade Othomanici belli furore, eiusq; Filio Matthia ad Regium Hungarorum Diadema euecto, assumptis; quibus adeo necessarijs, nulla ætas solam probabilitatem adstruxit unquam, adstruetæ; cum ex intrinsecis locis Sarmaticis, valide admodum confirmentur, ut nihil prorsus à præscindente alienas laudes Momo, in oppositum queat afferri. Affirmatiuæ immotus adharebit ille, cuius non peregrinantur aures, clarè canentibus Lechicis Annalibus, Magna & præclara multum, **KRASINSIORVM** Nomina: feruidum quisque propugnatorē, in expugnabilis veritatis aget, nisi inuidum oppugnatorem, per vitiatam consuetudinem, agere sine laude maluerit, audiens celebrari Solenniter, Illustrissimos Franciscos, Insula Cracouiensi, Ducatu Sæueriensi, celebribus ad Vaticanos Antistites, legationibus præcellentes, Albertos ubique Magnos, Stanislaos ubique laudabiles, Andreas ubique Viros, tum intoga, tum insago, quorum inire censum, est Solis radios percensere; Vnus omnium det compendium Illustrissimus Pater Tuus, eximij Ciuis, nobilissimum exemplar, in Te viua suorum præclarè gestorum Idea, non moriens. Eo enim Parente genitus es, qui innatum **CORVINIS** in Patriam amorem, in omnes comitatem, in singulas munificentiam, TIBI per omnia simili, heroicis actis suis imagini, præferenda reliquit, ne ad Successionem Auitæ gloriæ, studio desituaris: quandoquidem **CORVINORVM** est, **KRASINSIORVM** est, ad Sublimia honestatis euolare, & præalta dignitatis cacumina possidere. Plurimos humi Serpentes & inglorios, damnosa obruit iam, obruetque ulterius obliuio: **NESTOREVS KRASINSIORVM PRÆPES**, nunc super latam Polonorum planitiem laudabiliter volitans, nunc **SERAPHICÆ LAVRI** insidens Vertici, in temporum æternitate, narratus posteritati constanter est permanfurus.

Non morituro Magno Nomini Tuo

Subiectus,

M. Paulus Ioannes Woiewodzki.

PANEGYRICVS.



Seraphicæ Religionis Hortum, triplici Voto Conclufum, Diuinitatis delictum, immortalî plantatum exultum uè dextera, lætus hodie ingredior, letales Sirij æstus declinaturus. A D: Iuuat in tam felici amœnitate, tristes curas deponere, & sollicitæ obliuisci anxietatis: delectat per adeo florida Tempe, cogitationes, dulciffima libertate, errantes diffundere, & corpus fuaui ter exercere. In ipfo quippe aditu, angufta cœleftis huius Paradifi maieftas, percellit oculos, animum uè ftupentem exhilarat, quâ florum varietate nitens, quâ arborum præftantiâ eminens; Nihil hîc profanum floret, nihil à pura Religione alienum viret: omnia diuina, Sacra omnia, in omnium incurrunt obtutum, quæ vt deuota amœnitate, mentes recreant, ita ad pium fui cultum, & Venerationem inclinant Spectatores, tantumque eliciunt laudis & amoris, quantum totum in orbem diffundunt benefici odoris, eò magis grati, quo plus de cœleftibus, nihil planè de terreftribus fpirantis. Non inuideo potenti Epiro, Dodonæum lucum, fola tantum Superftitionis caligine clarum, Ioui dicatum, in quo vocales arbores, & fatidicas columbas, fecundum ad fabulas Poëtarum ingenium, aluit, celebrauit, delirijsque circa Diuina innexam antiquitatem, ad diuinum cultum prouocauit. Seraphicus Paradifus, tantò clarior, quantò diuinitati, ipfo nomine propior, tot vocalibus fecundus arboribus, quot fonora per longè latèque porrectum, terrarum orbem, cœlefti doctrina, cumulatis Viris, desperatam inſpirantibus, deprauatam reparantibus, æternam prædicantibus, ac prædicantibus Vitam, dignè gloriatur: quot fuaui ter modulantiâ, munda extra mundum, ante immaculati Thronum Agni, agmina fiſtit numeroſè: tot item fatidicas, absque felle & fraude alit columbas, rectitudinis morum, & conſcientiæ exemplaria: quot thaumaturgos ANTONIOS, irrefragabiles ALEXANDROS, quorum egregiæ artis eſt, non Gordios diſſecare nodos, ſed ſublimis, arcana Scientiæ, ſtupendo reſerare ingenio: quotque Subtilium Phœnices Doctorum Scotos, Principes Nominalium Occhamos, Vniuerſis mundi partibus, parit abundè & profert glorioſè. Non eſt iam cur tantopere doleamus, exitiâlibus

obrutum Vndis, & memorabili adhuc, sublatum an oblimatum diluio. Paradisum, primorum Parentum, primum domicilium, & graue lacrymabilis exilij principium; plantauit utique potens dextera, Præpotentis DEI, alium tempore quidem posteriorem, ast immortalitate digniorem, Seraphicum Hortum, quem sui amoris munivit sepsitque flammis, ne vnquam inimicis obruatur aquis: quoniam contraria, aduersante vi reprimuntur, & opprimuntur. Neque verò ignibus Septum Viridarium hoc, ita fluido aduersatur elemento, ut ipso tantum cælesti, nutriatur foueaturq; calido, etiam illud irrigatur affatim, ut æque simul ardeat, ac vireat, ad æmulationem rubi Moisaici, ardentis, virentis tamen & incombusti: irrigatur inquam salientibus vberrimè, in vitam æternam, quinque fontibus in D. Patriarcha FRANCISCO Signatis; ubi damnosa ariditas, inedix famisque mater, insueta morari, sola fertilitas, & Spiritualium, grandis vbertas frugum, surgit velocius, maturescit præstantius, durat constantius non leue fontium vtilitatis argumentum. Adhæc Sacrata, oro paulisper Subsistite fluenta, pium ad superna magis potius in Vobis accersuri, quam extincturi desiderium, non libando, fomentum sitis, Lycum in Indijs, aut huic similem per naturam, in Epiro torrentem: cælestis quippe dulcedo, quanto largius hauritur, tanto feruentius sititur, cæterum in ipso ardore, efficax latet refrigerium: quod itidem silens umbra, & amabilis aura, si eam, intra ordinatissimam congeriem, virentium religiosè arborum, captare libuerit, dabit confertim. Mihi etenim consilium est, in tam amœno, Diuinæ voluptatis Paradiso, Laurum Seraphicum, Doctorem Seraphicum, D. BONAVENTURAM, immortalis hodie proponere laudi, eius ortum, incrementum, fruges nitidas, incondito licet celebrare eloquio: idq; tanto felicius exequendum censeo, quanto alacrius titubantem sermonem, stabilis firmaque in beneuolentia, attentio Vestra, comitabitur. quanquam ipsa Horti, Votis conclusi, præstâtia, decor & amœnitas, non naturæ beneficio producta, sed prodigiosè impertita desuper, non curiosæ artis æmulatione, affabrè elaborata, sed Æterni rerum Opificis DEI, operâ mirabili, ad stuporem formata, moram tædiosam, ab eruditis mentibus Vestris, faciet exulare: iuuabit multum non tam inconditam vocem, sermonemque dicentis insipidum attendere: quam rei dicendæ eximia suauitate oblectari.

Natale quodque solum, peculiari, vniuersalis naturæ priuilegio
sponte, an quopiam fato, fruitur, gaudet, erudit, non æquè feliciter
omnibus in terris, eadem prouenire, nasci, oriri que. est namque inge-
nita, perennis, ac hereditaria, cuius plagæ indoles, quam tum in
homines, tum in plantas, arboresue, hic largiùs, parciùs ibi diffundit;
hic variæ herbarum arborumque Species, vltro, amoto improbo la-
bore emergunt, distinctas virtutes & facultates sortiuntur, ramos la-
tè, propagant, densiore fronde, ardenti Soli obsistunt; ibi vix humi
serpentes, & tangentium se se manuum vltices prodeunt vrticæ, v-
num altæ dodrantem: ægrè infelix lolium assurgit, & steriles auenæ
metuntur. argumento est Latinus Homerus, Vates Mantuanus;

- - - - - *Non omnis fert omnia tellus,*

Fluminibus Salices, crassiusq; paludibus alni

Nascuntur steriles, Saxosis muntibus orni,

Littora myrtetis latissima. - - - - -

Hic segetes, illic veniunt feliciùs vna.

Miranda profectò hæc, naturæ, in dispensandis donis, Virtutibusque
norma, dum alijs mundi plagis, beneficam se ac liberalem Matrem,
alijs tenacem & iniuriosam videtur præstitisse nouercam; vt vel tunc
maximè æqua appareat omnibus, cum in largiendis muneribus, nec
æquitatem colat, nec seruet æqualitatem. O quàm Nobilem terræ
partem, Laurus Seraphica nacta est ac sortita! quæ Nobilium ferax
germinum cum esset, sterilis gloriæ, nullo æuo exstitit. Illam illam
nimirum Regionem! quæ antiquitus à primo sui Ortu, ante reliquas
pæne, conterminas, rara felicitate præcedebat, docta cruditaque in-
genia, Latino imperio abundè suppeditando: Vbi Themidi & Pal-
ladi, non interpellatus honor, Marti & Bellonæ serius cultus habe-
batur: Vbi Cælestium prodigiorū notitia, & sublimes florùe artes,
hodie vsq; non marcescentes; vnde Consulibus Romæ, T. Geganio,
P. Minutio, Romana respubl. optimum traxit subsidium; aderat
enim illo anno, graue nimis malum, quo nullum in Vita crudelius est,
Vrbemque inuaserat, dira fames, Quiritibus, lucis vsuram adem-
ptura, & in capite suo Orbem affectura, nisi diues frugum terra illa,
tristi fame laborantibus, frumenti abundantia succurrisset, telumque
hastâ Achillis nocentius retudisset. Nomen tam feracis felicisque
Regionis fortasse requiritis? haud mora. Hetruria aut Thuscia est,

quæ ad Liguri am vsque protensa, Tyberis littoribus coronatur. Locum natalem, Seraphici Doctoris, in ea inuestigatis? Balneoregium est, cæteris Urbibus Italiæ, Vrbs laudabilior, tanti Viri, tanti Doctoris natalibus, illustris & præclara. Haud potuerat, cum non debuerat Purpuratus Ecclesiæ Princeps qui tot gentium populorumque Saluti, tot Seraphici Patris Filiorum tutelæ, atque regimini parabatur nasci, alio in loco, præter regio nomine adornatum ac splendidum, Cui non nisi Regia Sapientum capita Vetustissimè parere, in vſu fuit, neque nostris temporibus intermissum; regius quippe illos concernit honos, quibus pro diademate Sapientia, pro Sceptro doctrina, amplum in cæteros facit dominium. Ergo in tam Nobili loco, Diuinus Infans, è pio Parentum Voto, commune terrarum beneficium, Solem, adspexit fortunatus, gemmasque futuri fructus prodromas, ad singulare Progenitorum Solamen, vere ipso, & florida in fantiæ Maiestate proferēs illustri suo, suorumq; Sanguini pollicit⁹ est, famam immarcescibilem. Fundebantur certatim a Cognatis, ab amicis, a Vicinis Vota, darent implorati Superi, vt labentia tempora, tantam lætitiā, præcipiti secum cursu non traherent, vt Senescentes anni, Vitam, vigorem, maturo solatio non auferrent, vt exinde Lares patrij & ipsum exorabile Numen, magis magisque extolleretur. Natalis ille, Diui Infantis, Votorum quoque, gaudiorum ac Festiæ Serenitatis, dextris omnibus, beneque cum Spe & desiderio ominantibus, natalis fuit. Præuidebant tempestiue, nec temere, quia Diuino quodam vaticinante afflati Spiritu, exultantes animi, quam in bene proceram, augustam, & fructiferam arborem, tenella planta, ad Sæculi stuporem, erat abitura. Iam tenere videbantur manibus, quod foliis comprehenderant animis, iam videbant quod post videndum erat, clarissimis, Diuini Iudicij, signis id poscentibus; quæ vbi hærent, aut præcedunt, præstolantium haud illudunt solertiæ. Cæterum cum Superi occulta vi & ordinatione, nulla hominum tripudia, ita perfecte hilaritatis plena, in Scenam produci voluerunt, quin eis casus luctuosus, lugubres nœnias accinat: inuestigabili Diuini Consilio, tenella Laurus, languere, marcescere, Vigorem viroremque infantilem amittere cæpit. Validus morbus, acerrimi dolores, gracile pusionis corpusculum, & animos amantium Parentum affligunt exercentque. Iam cælo destinatus puer, innocentia non Dædalo, alas
sub-

Subministrante, ad promissam paruulis hæreditatem, videtur euolare. fitque in cunis, Cathedram non opperiens Doctor, efficaciter mouentibus, & compendiosis præceptis: opere scilicet non Verbo, per angusta ad augusta, rectum tutumq; iter esse docendo. Com-
moda sane doctrina è factis eruta, factis confirmata. Spectat non sine lacrymis Pientissima Mater Ritela, alterum infantem Hercule-
lem, non vtique geminos Serpentes, à Iunone obiectos elidentem, sed cum sæuis doloribus, occulta vi fatorum, immisis luctantem, pa-
res animo concipiens dolores. aduocat protinus in subsidium, tyroni
athletæ, auxiliarem Medicorum manum, consulit, obsecrat, sciscita-
tur sedulò, ac seriò, quo modo Vnica solatij Spes, Votorum meta,
curarum inuitamentum, Vehementiam morbi possit eluctari. Fru-
stra tamen gemebunda (aliter fatis agentibus) litat Æsculapio; fru-
stra pretiosam Galeni, calide implorat opem, ignara morbum illum
gradum esse, ad plurimorum Salutem restaurandam. Præstantius
è Cælesti myropolio leuamen, tum mæroris Materni, tum ægritudi-
nis filialis aucupatur, magisq; probatum facit experimentum: dum
profundæ abjectionis oraculum, Diuum Franciscum, non Delphicum,
aut Clarium Apollinem, deceptorijs clarum vaticinijs, supplex ve-
loxq; adit, demisso exorat vultu, stillantes lachrymas, pondera in-
terdum vocis habentes fundit, quibus eloquenter pro domo sua per-
orantibus, finem oratorum, vel in exordio flebili, apud Seraphicum
Patriarcham consequitur: carum pignus, voto Religionis, ei oppi-
gnorat, nouellam plantam, Horto Seraphico pollicetur omninò in-
ferendam. Audit hæc, perfectissimum Euangelicæ perfectionis e-
xemplar, Divus Minorum Pater, totusq; inextincto Dei ardens a-
more, lachrymis & votis Ritelæ accenditur, mentem terrenis insue-
tam, eleuat ad Cælum, ægroto Valetudinem firmam, apud largito-
rem Salutis Deum efflagitaturus: auditæ illico preces accelerant do-
num, orantesque erudiunt, Deum non lento passu, nec pedetentim,
in dando progredi, vbi beneficium non fore otiosum nouit. Afful-
sit diuinitus, antidotum, Salus infirmo cælitus delapsa est, iacentem-
q; firmavit infantem, firmatum erexit; vnde piorum gemitus Pa-
rentum, in festiuos vertitur applausus, mæror in lætitiâ: Spes obti-
nendæ puerilis sanitatis, in obtentam possessionem, squalor & luctus,
in amænas, hilares, tum vultûs, tum animi formas demigrat repen-
te, nu-

te, nubila in Phæbum radiantem abeunt: & hæc metamorphosis
tantò carior, quantò ipse casus fuerit acerbior: bonum enim multa
solicitudine quæsitum, ac tandem serò repertum, vt tenetur firmitus
ita amatur intentius, infinitâ amantem perfundens lætitiâ. Profuit
tamen Diuo Infanti infirmari, profuit tenellam Laurum vehementi
turbine ægritudinis agitari: nam infirma hæc, mundi, ad fortium cō-
fusionem, ad onus plusquam Atlanticum, Angelicis humeris formi-
dandum, à Deo electa sunt, nimirum ad Romanam purpuram, Al-
banensem Infulam, Doctorem Cathedram, ac arduum, numero-
sissimi, toto orbe Seraphici Ordinis, regimen & gubernium assumpta:
quæ onera virtutis & laboris præmia, vt dignè Diuus BONAVENTURA
reciperat; ita multò dignius sustinuit, ad doctrinam posteris, non se
indignum dignitatibus, virtutis inquisitione, repertum fuisse; etsi alij
plerumque dignitatibus indigni, ab ipso honore sine prudenti delectu
inueniantur. Verum ne permixtis partibus, in se implicetur, euol-
uaturque oratio, prima innocuæ vitæ elementa, sequentis Ideam æ-
tatis, examini admoveamus, ponderatam iudicio oblaturi panegy-
rim, Sacræ Lauri, quæ voto Parentis, Soli iustitiæ dicata; ne sola per
superstitionem elata vetustas, fabuloso Apollini, Laurum dicasset;
adeo pulcherrimè in solo patrio crescebat, in augustam laudabilium
morum proceritatem assurgendo, vt sine vitiorum næuo, sine proter-
vitis stolone, iucundè floreret, nunquam orbata innocentia flore,
aut spectabilium factorum viriditate, nunquam adusta frigoribus il-
lis, quæ perniciosus Auerni Aquilo, non in tenellas modò plantas,
egerit, sed in longævas quoque arbores, impetuosis suetas resistere
flatibus. Nihil porro in Sanctissimo Iuvene, non Sanctum, nihil re-
ligioso concentui dissonum, nihil à virtute, commendationem tene-
ris, ornamentum & decus senibus, largiente alienum, puritate vitæ,
velut multorum luminum Argo, peruigili custode, vel lyncei repe-
rissent oculi. Nullæ deliciarum illecebræ, non prauis & proni ad li-
centiam mores, non in vetita nixus, non ad negata cupido, non di-
scendi satietas, commune discentibus vitium, non tumentis fortunæ
vlla, in iuuenili animo impressa, per aliorum contemptum, vestigia,
poterant inuestigari. Indoles eximia, & suauis temperamento, ex-
actius quàm in roseo Ganymede, vel picto Adonide, concinnata for-
ma, mores grauius officiosi, incessus & aspectus legibus modestiæ

& pu-

& pudicitiae obsequens ad amussim, Angelum non hominem arguebat, nonque inania parentum vota & desideria euidenti argumento demonstrabat. apparuit in florido Vere, quid Sacra Laurus, erat latura in æstate autumnouè. Felix arbor, culturam omnem & tempus præueniens, distantiam Speratorum, properatis fructibus, elusit vel accelerauit, illo tempore autumnando, quo vix alijs vernare concessum est; Virtus enim nunquam & nullibi otiosa, dies nec vocat ad censum, nec exspectat, cui satis diu, cum satis bene: desidis ingenij est, moræ veluti testitudini insistere, tardoq; gressu, ad nobilia facta serpere, Nestereos optando annos, quasi longa series annorum virtutem pariat, & ille probus qui diuturnus, canitiem pro candore gerens, veterumque ostentans memoriam. Celeritatem ad bonum, moram in bono adamauerat D. Doctor, discebat iuuenis literas, & illas confestim docere potuit, proficiebat in studijs, defectu pietatis vacuus, ipsiq; eruditoribus suis, fiebat Schola, vbi ea discerent quæ docerent, ea acciperent quæ traderent. Ita magnus parui corporis, hospes animus, in sublimem eruditionis verticem, eò citius attollebatur, quò verius sit, generosa pectora odisse, in præclare agendis, ignauiam, serijs inimicam, oscitantibus perniciosam. Nescit equidem tarda molimina, virtus Spiritus Sancti, cui hereditariam sedem, proprium domicilium intra se, Sacer Iuuenis, à teneris formauerat, exhibueratue. Proh quanta maturitas! vel in herba properæ Virtutis, decades, myriades annorum minimè præstolantis, ne aliquo instanti nihil agere videretur, cum etiam immortalia momentis consent, & puncta obseruent. O Diuine Adolescens! haud satis tenui constat Oratori, quod nomen tua præcelsa mereatur dignitas: an ex præsentī flore? an ex futuro fructu vocandus sis? quanquam in Te vtrumq; eminet, utroque commendaris; profers in flore fructum, & in fructu germinas flores, ne spinosa virtus, odoriferis careret floribus. Nulla dies cæteris, sinè linea, Tibi nulla hora, parua loquor, nullum momentum, sinè noua virtutum accessione aut abiit, aut perijt. minimum otium maximum dispendium censuisti, talemque jacturam soli Epicureorum haræ, communè & propriam duxisti, quos eliminat vndiq; virtus. Aleret vtinam nostra ætas! plures eiusmodi aestimatores, qui tempori inæstimabili, tam grande pretium ponerēt, profectò pauciores Phædras & Ægistos, vituperio damnaret, Hip-

polytis vbique, & Penelopsis vbique locum & panegyrim datura.
Atque hîc veritate duce, comite conscientia fateor, à florido roseoq;
Lauri Seraphicæ Vere, maturis de se laudum frugibus, spatiosum,
infecundæ facundiæ meæ aperiri campum, in quem non tam disertè,
vt clari solent Oratores, quàm piè, vt mea fert modica eloquentia,
excurrere vellem, & per eum non vago, aut curioso aspectu, oculos
circumferre, sed instar sedulæ apîs, è floribus, sacrarum actionum,
ambrosiam suauissimæ virtutis colligere, intraq; recessus animi pro-
fundiùs recondere, nisi me à rectè intento cursu, intentius reuoca-
ret, frugifera triumphalis Arboris æstas, quam non in amplo augu-
stæ profapiæ vireto peregit, sed in maximo, religione, literis, gloriâ, Or-
dinis Minorum Paradiso, hortis Hesperidum, Adonidis, Alcinoi,
Tantali, tum per proueria plantatis, tum in sola figmentorum arca
fabricatis, longè venustiore, multùmq; præstantiore, cui tantum lau-
dis accedit, quantum tribuitur veritatis: optimas fruges suas, com-
moda, maiestatemuè, toto orbe, totque sæculorum experienciâ ap-
probante, contestante. Ecquæ sacræ Arbori, profanas fastidienti &
fugienti terras, habilior, ad vberius fructificandum tellus? quod à
prima maledictione sparsa, per vniuersum, primi transgressoris malo
remotius solum? quis hortus spinarum & veprium, quibus animæ
mortalium sauciantur exanimanturue, magis inanis, magisq; expers,
à bene volentibus superis potuit destinari? præter Seraphicum Pa-
radisû quem nunquã cunctis animantib9, callidior serpēs, letali, mor-
fero, infernaliq; veneno infecit, nunquam venustatem illius, egre-
gia Cælestium Custodum fide obsistente, ausus est cõtaminare, nun-
quam miram fecunditatem peruertere abolereq;e. Procul hinc e-
xulat dolus, perfidia, superbaq; ignorantia, temerarijs subnixa au-
sibus, viget intaminata sinceritas, illibata fides, humilis, subtilis ta-
men scientia; quàm maximè moratur, & dilatatur; crescit amor
spontanæ egestatis, multiplicatur iustitia, zelusq; religionis, virent
iucundè martyrij palmæ, quæ impositis tormentorum oneribus non
deprimuntur, sed ipsa aduersorum mole, sursum eriguntur & assur-
gunt nimium laudabiles. O sedem gratiarum! ô terram promissio-
nis, ad quam triumphantium decus, victoriarum insigne, vincen-
tium gloria meruit transferri. O delictum diuinitatis! præstantium,
ad prodigium multitudine arborum, nitentium ad gratiam copiâ
florum,

florum, egregiè conspicuum, sacra tamen Lauro, symbolo intermi-
natæ æternitatis, maximè gloriosum; excepisti intra Tuas areas, cæ-
lestem plantam, cælis terrisque fructiferam, famis obicem, famæ nul-
latenus in Te arcescentis: admisisti illam ad Tui fecunditatem soli,
vt digna Cedro acta Tua, diuturnæ Laurui, in triumphum Tuum
perpetuum, insculperentur: vtq; eâ coronarentur, tot Serenissimo-
rum Regum, Illustrissimorum Principum capita, quæ sibi maiori du-
xere laudi, Tuis in porculetis florere, quàm in excelso basilico Thro-
no fulgere, coruscare, alijs non sibi imperare, de alijs non de se trium-
phare arrogantius, aliorumq; periculis, tanquam pennis in sublime
gloriæ ferri. Porro optimè itur ad immortalia, dum præsentibus bo-
nis labilibus, non inhiatur, victoriâq; domesticæ pravitatis, non ho-
stium attenditur, atque tantò honorificètiùs ascenditur ad suprema,
quantò libentiùs descenditur ad ima; ille sane industrius & prudens
est, cui præstantiùs est nolle præesse cùm possit, & posse subesse cùm
nolit, intermisso proprio arbitrio, causâque interitûs licentiâ. Bene
igitur Tecû actû est, Diuinissima Laurus, fertile Seraphicum, pro pa-
trio nacta es solum, ne domui tantùm & Penatibus deberes, quod
Coelo, quod D. Francisco debes, & vt maiora in fertiliori agro dares
incrementa, desiderijs plurimorum responsura, ne seriam futurorum
originem, & firmata bonæ indolis omina, inanis exitus exciperet, vi-
lisq; euentus terminaret. Neque elusa est, Tuorum de Te expecta-
tio, attulisti tot solatia in effectu, quot vix alijs, feruente affectu con-
tingit optare in animo, edidisti tot specimina virtutum, quot dubiè
à quopiam geri possunt, præstari ué; sterilitatis nota, tam longè à Te
aberat, quàm intimè aderat indeficiens bonorum fecunditas: probas
felici vbertate fructuum, maledictam non esse in opere terram, quæ
non iam spinas & tribulos germinat, sed Te Sacram gerit Laurus,
proficuè transplantatam. Ampliùs ego non vocabo in dubiû, quod
à solertibus arcanorum naturæ, eiusq; industriæ scrutatoribus, fre-
quenti acceptum est, tum exemplo, tum experimento: transplātatas
stirpes, ob peregrinæ telluris fecunditatem, proceriùs adolescere, al-
tiùs prosilire, & vberiùs fructificare, plantâ Persicâ apud Plinium,
Columellam, fidem rei faciente, hac tamen veriùs atque euidentiùs,
Vestra Lauro, Religiosissimi Patres, apud omnes, mole scientiarum
insignes, veritatem roborante; quæ vbi primùm Vestro, votis con-

cluso insita est Horto; mox in altum contemplationis fastigium assurrexit, ad ima humilitatis subsidendo, protinus speciosas frondes distinctarum virtutum operâ, in spatioſo, ad incrementum numerosæ gloriæ, Vireto exporrexit; veluti inuento Symboliographi, Oliuam de Oliueto, translata grandioresq; proferentem fructus pingentis, cum lemmate: Vult spatium virtus; infallibilem fidem cōparatura, Satorisque sui, donorum immensitatē per vniuersum, diffusam, clariùs locutura. Iungebat Pientissimus Doct̃or artibus pietatem, Diuinorum speculationi, virtutum praxim, religiosæ austeritati, cælestia oblectamenta, diurnis nocturnisque laboribus, spem mercedis copiosæ, ab vniuersali, desudantium pro æternitate, Præmiatore, obtinendæ; consummatæ eruditoni, tenuem de priuato scire, sensum; credo, docturus vanis laborantes opinionibus sciolos, qui vix nosse aliquid, in scholis, & ad ripam Hippocrenes obrepere incipiunt; jam se omniscios, in fundo Democriti, hære consistereuē, turpi arrogantia potati, jactant friuolè, nescij ignarique exactam & perfectā scientiā, in sola humili mente ab elatis ideis vacua, soliū sibi fabricasse: non enim turgidus vultus, suspensa per tumorem supercilia, non inflata, modica arte, eloquentia, & distincta interuallis quadrupedantia verba, non grauis Scauri, vel Catonis incessus, non forma alicuius compti Adonidis, soluto pilo Brachmanem fingentis, & cirros per lasciuiā torquentis, *totamq; turbari rempubl: quā molle caput, malentis*; non inquam talia, omnimodā congerunt doctrinam, nec verè doctum, eiusmodi imbutū vitijs potius, quā disciplinis, etiā bonarum artium rudibus valent persuadere. Vilis informisq; ad speciem concha, magni pretij claudit intus vnionem, carè soluendum. at poma in Sodomorum aruis enata, ad aspectum præstantia, forisque rubentia, introrsum, fumum & fuliginē alunt, quantumq; recreant aspectū, tantum inficiunt olfactum, vitiosam pulchritudinē & fucatum bonum, amoto deceptorio velamine, dum compressa reuelant; par equidem simileque ad scientiam & ad virtutem iter, quod non nisi demisso teritur pede, nec arrogātium capax est vestigiorum. Sed quo tandē pio gressu, humilique passu, D. Doct̃or peruenerit? ad alta, ad edita, tetræ non innixa, dum legentem scribentemue cælum pro cathedra sæpius ambiebat: maturiùs rapiens, quem feruentiùs incolam suum peroptabat; & ne à terra, tantæ bonorum capacitatis incapa-

incapaci, sacra posset inuestigari præda, euectam in sublime, nubium
obtentu velabat, sacris tantum Indigetibus, terrestrem sanctimoniã
(si terrestrẽ dicere fas est, quæ Seraphinorũ fuit æmula) dando in spe-
ctaculum. Cæterum & Aquinaticum Solem, candidæ doctrinæ,
penetrabili luce, etiam Angelorum legiones, abundantissimè illumi-
nantem, Diuum Thomam Aquinatem (cui amplas impendi voveo
laudes) hic cæli ausus nequiuit latere: lucidissimus enim Theologorũ
oculus, peregrè ad intima innexum sibi familiaritate Seraphicum
Doctorem, veniens; vbi angustis præsentem laribus, augustum he-
rum, non deprehendisset; illico perspicaciter, spatioso inuectũ cæ-
lo, intra nubium congeriẽ, deuotissimè morari, contemplari, hære-
re circa stupendam Seraphici Patris sui, vitam, aduertit: nec sinens
ignorare alios, quod scire nimis iucundum sibi duxit, cælesti elogio,
quia Angelico, Angelicus Doctor monstrauit Seraphicum, inter a-
stra morantem, oreque sacro, Diuum proclamauit: *Sinamus San-
ctum, pro Sancto laborare*. Magna illustribus Viris felicitas atq;
laus est, à laudato Viro laudari; quidni maior erit? à Sancto, titulo
Sancti perhiberi. Impatienter indoluit minor sui, quàm totius Orbis
domitor, ad simulacrũ Achillis, fortunã non virtutem inuidens Mace-
do, iuuenili indoli, Homerum maturum præconem egregiè facto-
rum obtigisse: quasi tacita virtus, cum suis actoribus, in vmbris se-
pulchralibus, lateret æternum, nisi vocali calamo, aut sonoro elo-
quio, in lucem publicam, comite fama perenni deduceretur. tor-
queat iniquos, ambitiosus liuor. Vehementiori ego lætitiã gestio, præ
Macedonis mærore, vel exinde, quod Seraphicæ virtuti celebrandæ,
plusquàm Angelica vox, nam Aquinatica, admiranda ordinatione,
semel in æternitate loquentis Dei, contigerit. Digniore certè Se-
raphica dignitas, haud potuit in terris habuisse laudatorem; si eo ca-
ruisset, quem habere ipsi Numini gloriosum est, illius *Bene scripsisse*, in
grande suum vsurpando encomium. Ita planè summæ eruditionis
capax, humilis de se sensus, actaq; heroica, Pientissimi Doctoris, ex-
tollere merebantur, tantòque altiùs, Diuinitatis curâ assurgere, quantò
profundiùs, grandi pietate, onusta in imis hærebant. Repere humi
tam præcelis Arbor haud debuit, quæ ad cælum vsque decenter per-
tingit, illud vertice pandens, an expugnans? tot insignibus deuotè
bellantium, armata ornataue, quot frondibus circumdata, latè dif-

fusarum per vtrumque orbem, virtutum, quibus alta Beatorum sedes
obsidetur, capitur, possideturque. Fuerit inter fabularum sacra, so-
lenne illud; pauidam, præ metu amittendi pudoris, Daphnem, ad ri-
pas, Penei fluminis, in virentem Laurum, famulante integri animi
decore, conuersam; è ramis proprijs, Phœbi pharetræ, sagittas iden-
tidem subministrasse, in pœnam an trophæum? quod lucis parentem,
radiante forma oppugnauerat, atque expugnauerat. E veritatis o-
raculo depromptum est, Laurum Seraphicam, ad quinque stigmati-
cos Fontes, Gloriosi Patriarchæ insitam, in ardentium, superno a-
more, plenam Pharetram, sagittarum, demigrasse, in primordijs ad-
huc suæ transplantationis, ne stuperet, paruorum quandoq; magnus
admirator Orbis, Megarenses Oleastrum, arma peperisse; aut vnâ
tantum esse fraxinum, hastæ Achilli, fabricandæ peridoneam, cæteras
foco dignas: cum & Seraphica Laurus, armorum fecunditate, su-
peret fastum antiquitatis, & nostrum sæculum, ab inuidia prioris
liberet, fidemque vix aliter credendis, faciat narratis. Augusta Mi-
norum Familia, maximum ad Te cælorum dominium devolutum
est indubitanter, armis Seraphicis occupasti illud, quod non nisi vio-
lentis, in prædam erat cessurum, totiesque gigantæum piè instauras
duellum, quoties Te Cœlesti accingis Pharetræ, & jacula ex illamet
deprompta, zelo religionis tincta, ad omnibus exoptatam æternitatis
metam, Deum, dirigis, victrix semper gloriôsa. Palmaris illa Pha-
retra, præsagium erat, Divo Bonaventuræ, suscipiendi belli contra
innumeram hostium multitudinem. Eduxerat Herebi Dux, ve-
sanas hæresum turmas, Vaticano Antistiti rebelles, durâ ignorantia,
& obstinata proteruitate succinctas, quibus vñtatum est, frequentes
triumphantibus in fide, proferre palmas, errando cadendoué, nullas
sibi certando & ignominiosè ubiq; terga dando; decet enim & con-
ueniens est, nullos habere triumphos, impia & offensiua bella. Iam
pæne totus Oriens, errantium motu siderum, his fallentibus milita-
bat monstris, jam repudiata luce Romana, in Schismatis vmbras pro-
ruebat, eò velocius quò incautiùs. Objecit tam grandi malo, nulli
non par magnitudini, eruditum magnanimumque pectus, Seraphi-
co non Martio æstuans feruore, Pientissimus Doctor, Bellerephon-
te audacior, Hercule fortior, furentemque Chimæram atque mul-
torum caput Hydram, in acie Lugdunensi prostravit attriuitque,
non mi-

non minus gloriôsè quàm proficuè. Piget pudetque referre, ab ambitiosa vetustate, arrogantes ludos, & laudes institutas ac instauratas fuisse Apollini, ob confossum sagittis, vnum serpentem, fortè puerili arundine conficiendum. Maiora equidem trophæa, pharetrato Doctori erigenda sunt, grandioribus ouantium plausibus, extollendus est, monstrorum ipsi etiam Alcidx formidandorum, strenuus debellator, cui Scientia cum innocentia, valida fuere arma: Cui uti forti in bellando, sic felici in vincendo heroi, Alexander Alensis, fortunâ non virtute Macedonè minor, Arcum erexit triumphalem, cum illo immortalî elogio; *Verus Israhelita, in quo Adam non peccauit.* Particulæ Diuinitatis, animæ humanæ, commorandi diuersorium permutanti, commodius, Empedocles præter Laurum non inscripsit hospitium, igneo habitatori, igneum ratus conuenire domicilium, ut non tantum rebus nomina, verum & hospitibus diuersoria sint didignè accommoda. Totam ego rectius crediderim, Diuinitatem incolere LAVRVM SERAPHICAM, admirandis operibus, cælestè hospitem manifestè prodentibus, quæ prodigij nomen amitterent, si prodigiorum causam, authoremue intimum non haberent. Augustius sanè Deo, qui ignis consumens est, dari in terris haud poterat domicilium, quàm triumphalis Arbor vehementi in Deum ardens amore. Iam igneum rubum, non amabit incolere Numen, cum excelsa Minorum ignescens Laurus, tantæ Majestatis capax videatur. Nec Latium præficient vnquam, perpetuò igni custodiendo Vestales, dum commodè satis, intra sacram foueatur Laurus, & cinereis pro cineribus tegatur operimentis. Ingentia hæc sunt Magnæ Minorum Arboris incrementa, emolumentaue, non minora adhuc imò paria si non maiora, maturus autumnus in scenam producit: quorum tanta copia, tantaque vbertas est, ut non percenseri modò obiter: sed neque in cumulum, inconditâ eloquij mei operâ, congeri possint sufficienter. excedunt illa omnem ingenij vim, omnem laborem, & studium, multæ artis Oratorum, & totis præcordijs Apollinem spirantium Vatum, superant præconia, congestasque voce, stylo, ingenio, laudes; porrò magis extolluntur, dum alto deuouentur silentio, & plus commendationis habent, ex mera admiratione, quàm ex ampla oratione. Quid simile fecunda, in noua Hispania arbor, distinctis abundans fructibus, & veluti penu quoddam, è terræ visceribus,

ad submouendam famem exortum, parturire potest? postquā hæc Seraphica comparuit; ramos in cælum vsque diffundens. Transferat illam, ad cellum Heliconis verticem, sacer Pœta, eius vbertatem celebret vberius.

*Arbor mel pluit, arbor aquas, pluit arbor Iachum;
Fila parit arbos, & sibi gignit acum.*

Cæterum hæc, multò vberiores Ecclesiæ, vtiliores Religioni protulit fructus, ad sanitatem, non tamen ad satietatē, cum proficua nutriant non exsatient. Testor illa Doctoris Seraphici, ægris Fratribus præstita salutifera obsequia, quæ nec ab alijs intercipi poterant, nec literarum impediri studijs, maioremq; se aucupari in doctrina, arbitrabatur profectum, dum ad abiecta descendendo obsequia, & pijs intendendo animum curis, Fonti sapientiæ famularetur, aquis profundæ potus scientiæ, quæ tanta in eo effulserat, vt communis applausûs suffragio, ad summum docendi munus, inter Parisiensis Universitatis Theologos, eueheretur gloriosè, septimo transplantationis anno, vt pote exactum septem Sapientum compendium, illustreque septem donorum, Diuinissimi Pneumatis domicilium, eruditionis nitore, probitatis fulgore, oculis animisque omnium, in morem candentis Phœbi præfulgens mirificè, illustrans, & accendēs prodigiosè; ne sola lux ardore destituta tam inutilis accedentibus, quam iucunda Spectantibus videretur. Nihil enim Seraphicus Doctor (loquitur Parisiense Oraculum Ioannes Gerson) docuit, quod non inflammaret: nihil in libros doctorali stylo retulit, quod non prius æquè in suo, atque aliorum animo exararet, nihil cælesti notauit charactere, quod peruersas Acherontis non obliteraret artes, nihil publicæ consecrauit luci, quod non fugaret ignorantiae errorumue tenebras, aut quod cæcutientes, in fide non affatim illustraret tenebriones, nihil demum piè solerti scrutatus est mente, quod integerrimis non depingeret moribus, quodue imitandis non exprimeret operib; prius ille fecit quam docuit, factis verba præuenientibus, prius in termino constitit, quam viam ingressus fuerit. Vbique Seraphinum egit, cum nullibi non arderet, nullibi prauitatis latebras non illuminando detegeret. Seraphicæ illud debetur Lauro, quod Stephanon Alexandri, dictæ tribuerat Plinius: eius nimirum baccarum gustu, os gutturque accensum æstquare, igneamque naturam, nunquam non in motu, victrici arbori inest.

in esse, attestari. Porro extra sensum positum crediderim, qui non sentiret Seraphicam vehementiori præstare vi, & qui proteruè diffidendo, in ea Diuinitatis flammam extinguere præsumeret auderet: vel Eusebio tacente, præstantiam illius acta mirifica loquuntur abundè; accendit illa spiritum, nec inanibus dat locum fauillis, auget calorem diuinum, ampliat ardorem, sed in superos, his verò ardere omninò beatum est. Obriguerat plusquam Boreali frigore, Orientalis Ecclesia, atque æternis iam pæne refouenda erat ignibus cum Palæologo Cæsare, nisi eam, ignea hæc Arbor, inflammante salubriter doctrina, accendisset, & frigidam nimium in amore & obedientia, filiam ad amplexus Romanæ Matris, & prompta obsequia feliciter pertraxisset. O igneam, ô paciferam Laurum! ex integro ab illa degenerem, quæ in tumultu Bebrycum Regis Amyci, circa Heraclæam, in littore Pontienata, & à præternauigantibus decerpta, iurgia & lites pariendo, in profundo dissensionum mergit nautas, nisi protinus, tam exitialis arbor, è nauibus eiiciatur, in victimam Neptuno consecranda. At Seraphica dum in Cymba Vaticana, vigeret ac floureret, Schismatum turbines, hæresum fluctus, insurgentium contra Romanum Promontorium procellas, tumentemque iram sopiebat suauiter, depellebat constanter, amorem vnionemque tum animorum, tum sensuum, inter natos veræ Romanæ Matris excitabat; expetenda ob firmam fortunam rebus publicis bona. Nobiles Delphi, maiorem suis terris adstruant nobilitatem, quam eis germinauit Laurus Delphica maximis baccis, è viridi rubentibus, Romanis olim triumphatoribus è multarum congerie, selecta ad coronamētum. Pompeius Lenæus, celebret aliam Mustacem dictam, folio maximo, grantanter albicante, & veluti niueum liliorum candorem æmulante. His tamen præstat Seraphica, non frugibus modò, sed quouis eximio colore, puritatem, innocentiam, illibatumq; candorem, non simulanter ad speciem exprimente, tantùmque ab illis differt, quantum Libana Cedrus, ab arundine, leui vento, annuente, cernitur distare. Albicat sacra Laurus, candidi æmula lilij, Eminentissimo Albanensis Insulæ nitore, rubet iucundè, tum natiuâ verecundiâ, tum sacre Romanæ purpuræ murice, cunctos ad se hospitaliter, affabiliter pertrahente, vmbras notasué, alienæ calamitatis, & duræ necessitatis, efficaciter dissipante, illustrante. Ecquem verò, candor

& rubor ille, Pientissimo Doctōri concolor, illa patrandorum vis, & promptitudo miraculorum, non cepisset, illæ ex ore infantium (qui absque lumine & vita, publicam lucem exanimēs salutaturi erant, ni prodigiosæ suppetiæ D. Bonauenturæ periclitantibus aduenissent, ac illuxissent) perfectæ laudes, firmius aureâ Gallicani Herculis catenâ ad amorē laudati non pertraxissent? quem vultûs maiestas & amœnitas, non pellexisset, oris & eloquij suauitas non tenuisset? Saxa ipsa profectò potentiùs Amphione, ad sui venerationem, caritatem, & spem accipiendi per cœlestem liberalitatem cuiusuis beneficiij permouisset. In quo etsi omnia singularia fuerint, ita se tamen communem præbuerat omnibus, vt omnium ad beatam sortem contendentium, felicitas: exulantium à spe melioris fortunæ solatijque, patria: delinquentium, in pœna Pater: inferiorum, in obsequijs Seruus: esset potius, quàm videretur. Non ego aliam, malè dato exemplo Tiberij repudiato, Laurum, tonante cœlo, ad defendens protegensque à fulminibus, coronamentum requirerem, exposceremue. Seraphica vtique Laurus, contra fulgurantes cœlorum iras, & letifera aduersorum iacula, scutum, tutamen, & asylum est. Neque adeo communem commodamue, regis Babyloniorum sublimis, lateque ramos diffundens arbor, æstum cælique iniurias declinantibus: neque siti fameque pressis, munifica altrix, Indica arbor apud Cabillaium, liberalem, quàm Laurus Seraphica, Vniuersis ope & operâ Diuinâ indigentibus exhibet sese popularem, vtilem atque auxiliarem. Accurritur vndique, & sub suaui protectionis vmbra, dulce amaris ob diuturnam malorum tolerantiam animis, capitur refrigerium, protegunt folia, alunt bacca, & accendentes pectora Diuinæ Scientiæ fructus; nemo hinc sterili mente, frigesciente animo, vacuis manibus regreditur, quisque ditatus, & dotatus, non labilis & interitura gratitudinis, ingrato pectore, Symbolicum anathema ponit; inflammat & nutrit. nimirum ignem spirante doctrina & copiosis, exemplaris sanctimonix, atque prodigiosæ munificentix alimentis. Verum jam non ex vano vereor, ne amœnam & amabilem Laurum loquendo, Spinās tædij & tædiosæ aculeos moræ, tam auribus quàm animis Audientium infigam, etsi Paradisus hic per quem vmbratilis spatietur oratio, spinarum expers est. Facio igitur, quod nautis, ad patrium properantibus litus, facere vsu venit; multas præclaras & excel-

excelsas, Sacrae Arboris dotes, silens prætereo, admirandas eius Virtutes, commodos plurimum miseris succursus, parum Commoda Veneror taciturnitate: quemadmodum illi magnificas Vrbes, nec visas nec reuisas, passim prætereunt, vt quantocyus Ithacam cum Vlysse, Colchida cum Iasone attingere possint ac tenere. Plurimum me tamen, in tam læta Festiuitate angit afficitque, temporis angustia, singularis obex satagenti deprædicare abundè, tanti Doctoris acta, & Virtutes, quarum censui & numero, integra sæcula, innumerabilesque anni essent exoptandi. Quæ enim mortalis par esse potest facundia, Diuinæ illius sanctimonix? feruidæ in Deum & Almam Dei Parentem pietati amorique? maximæ apud summos Pontifices, Clementem IV, Gregorium X. authoritati apud Vniuersos gratiæ singulari, claritatiue? Nam Angelorum pane, per Angelicas manus pasci, sanctitatis est. Cultum Numinis, & Augustissimæ Cælorum Imperatricis, Verbo & Scripto feruenter promouere; pietatis. In Senatu Cardinalium, orthodoxis adesse consilijs, & Lugdunensi præesse Concilio, apud Summos Pontifices, authoritatis. horrenda pestiferaue monstra ab horto Seraphico, armis apologeticis potentiùs abigere, ordinem in Ordine facere, facta Prouinciarum prudenti diuisione, Regulam adæquato menti D. Patriarchæ commento adornare; prouidentix. gloriæ postremò & claritatis est, fulgenti Eboracensi pallio Archiepiscopali, vmbratilem religiosum præferre cucullum; suum æquè ac Seraphici nominis decus; præstantiâ Diuinorum operum cumulare. Operæ pretium erat, fata iam in campis Elisijs Arbor, ad æuiternum nomen tuum, entheum quempiam, rostra hæc conscendisse encomiastem, qui Tullium aut Demosthenem per metempsychosim agens, Angelicæ innocentix tuæ candorem, immarcescibilis probitatis virorem, ardentis quia Seraphici, in Superos, amoris ruborem, Voluminum copiam, & censum, augustorum operum vbertatem, vberriam dicendi copiâ, comprehenderet enarraret, & veluti canora resonantis, vbiuis gentium, eloquentiæ tuba intoneret; vel vt vox clamantis in Seraphico Paradiso, Te Laurum Seraphicam, nunquam hyemi, & frigoribus gelidæ culpæ obnoxiam; nam semper iucundè virentem, semper vberius fructificantem, immortalis, vniuersæ mortalitati, elogio, vt disertè ita honorificè promulgaret, amplissimum honorem tuum, ampliùs di-

lataret; quanquam ulterius protendi nequit, cælo occupato. Dabis
veniam piæ temeritati meæ Pientissime Doctor, quod pro laudibus
Tuis, meram Harpocrati victimam obtulerim: nulli siquidem pius
conatus, qualisqualis fuerit, vituperio aut noxæ habetur, & magna
quoque dum in sublimibus seu fulgent, seu florent fastigijs, quocun-
que modo adorare, venerari, semper gloriosum est adorantibus, de-
corum & pulchrum adoratis. Scio Te ô frugifera Arbos! nimium
dilecta Deo, dilecta Augustissimæ Cœlorum Reginæ, in nunquam
morituræ, eminenti area gloriæ consistere. Scio Te in Supremo
laudum cacumine, ita florere, ut latere ob splendoris amplitudinem,
orbi ignota esse ob frugum gloriam nullatenus possis; Illud igitur
deuoti pectoris anathema, in beneficis ramis Tuis, supplex appendo,
quod feruidus comparauit affectus; Laurum videlicet Jagellonicam
diu Lechiæ, adorna & cōserua; vigeat illa, Tuo præcelso vigore re-
fecta, virebit Tuo cœlesti recreata virore; Commoda Te fer-
uentibus votis, rerumque Satorem Parnassi Jagellonici Ser-
vatore reddere, ut quanto diuturnior, tanto præstan-
tior vireat ac floreat æternum deuotus Tibi,
Tuæque Seraphicæ Religioni.

D I X I.





